



醫宗金鑑



上海錦章書局出版



醫宗金鑑卷下

外科

編輯外科心法要訣

腹部

一 幽癰

幽癰臍上七寸生。初小漸大。腫硬疼。憂思厚味。火毒發。咬牙寒戰。毒陷攻。

【註】此證生臍上七寸。初起如粟。漸增漫腫。疼痛形如鵝卵。甚則堅硬。痛牽胸肋。由過食膏粱厚味。憂思氣結。腸胃不通。火鬱成毒。自內而外發也。初起腫痛。皮色未紅。時若心煩嘔噦。脈沉實者。當疎火毒。以絕其源。宜內疎黃連湯服之。嫩腫痛甚。邪氣實也。宜服託裏散。外用艾壯隔蒜片灸之。脈見沉遲。其膿未成。用補中益氣湯託之。脈見洪數。其膿已成。用託裏透膿湯。

幽癰圖



幽癰在臍上七寸

膿熱脹痛不潰。係氣血虛也。急用十全大補湯溫補之。外兼用臥鍼開。臥鍼者斜入斜出。防傷內膜也。或誤行汗下。

或誤敷寒涼以致腫而不潰潰而不斂者急用十全大補湯加乾薑附子以救之已潰朝寒暮熱者氣血虛也食少作瀉脾胃虛也胸痞痰涌脾肺虛也俱服六君子湯服後諸證悉退換十全大補湯調理即愈外治之法按癰疽腫瘍潰瘍門無論已潰未潰忽咬牙寒戰係氣虛不能勝毒毒陷攻裏之光或潰後膿水忽多忽少瘡口如蟹吐沫者係內膜已透俱為逆證

〔託裏散〕 皂刺 金銀花 黃芩 牡蠣 煨 當歸 赤芍 朴硝 大黃 花粉 連翹 各等分 共研粗末每用五錢酒水各一鍾煎八分去渣服

〔方歌〕託裏散醫諸瘡毒腫甚熾疼煎服消皂刺銀花芍牡蠣歸芍硝黃花粉翹

〔內疎黃連湯〕 見腫瘍門 〔隔蒜灸法〕 見首節灸法 〔託裏透膿湯〕 見頭部侵膿疽 〔補中益氣湯〕 〔十全大補湯〕 〔六君子湯〕

即香砂六君子湯減去木香砂仁俱見潰瘍門

中脘疽

中脘疽由胃火生臍上四寸隱隱疼堅硬漫腫無紅熱不食嘔噦毒內攻〔註〕此證一名胃疽發於心胸之下臍上四寸任脈經中脘穴隱痛日久向外生疽堅硬漫腫皮色無紅無熱由過食炙博以致胃腑火毒而成人迎脈盛是毒氣攻裏作嘔不食效嗽膿血宜服仙方活命飲色紫堅硬宜服山甲 有散膿勢將成內

中脘疽圖



外治法俱按癰疽腫瘍潰瘍門若起長膿遲或瘡不斂痛者急用艾壯隔獨蒜片置患上灸之回陽

〔山甲內消散〕 穿山甲片三炒 當歸尾 大黃 甘草節各三錢 土木鱉個三 黑牽牛 殭蠶錢各一炒 酒水各

一鍾煎八分。空心服。渣再煎服。大便秘三四次。方食稀粥。淡味調理。

〔方歌〕山甲內消火毒積。色紫堅疼中腕疽。歸尾大黃殭蠶草節。木鼈牽牛加酒宜。

〔仙方活命飲〕 見腫瘍門。

嚇癰

嚇癰七情鬱火成。臍上三寸粟微紅。暴腫臃痛二七潰。頂陷色黑潰遲凶。〔註〕此證由七情鬱火凝結而成。生臍上

圖 癰 嚇



嚇癰生在臍上三寸

三寸。屬任脈經建里穴。初如粟米。癢痛相兼。其腫迅速。寒熱往來。甚則嘔噦。牽引臍痛。初腫微紅。頂尖根束。漸透赤。色時痛時止。十四日潰膿者順。若頂陷紫黑。根脚漫腫。面赤大渴。脈見浮數而散。大者逆。內治與幽癰參考。外治法按癰疽腫瘍潰瘍門。

衝疽

衝疽圖



衝疽在臍上二寸

紫黑膿水清稀七惡證見者逆。

〔瘡科流氣散〕見背部

〔仙方活命飲〕見腫瘍門

臍癰（附臍中出水）

臍癰毒發在臍中腫大如瓜突若鈴無紅無熱宜蒜灸稠膿爲吉污水凶〔註〕此證由心經火毒流入大腸小腸所致生於臍中屬任脈經神闕穴此穴禁鍼腫大如瓜高突若鈴無紅無熱最宜隔蒜灸之初宜服仙方活命飲加升麻消之便結實者內疎黃連湯通利之將欲成膿內外治法俱按癰疽腫瘍潰瘍門潰後得稠膿者順時出污水臭穢者逆亦有臍中不痛不腫甚癢時流黃水此屬腸胃濕熱積久宜服黃連平胃散外用三妙散乾撒滲濕即愈當忌酒麵生冷果菜不致再發若水出不止者亦屬逆。

臍癰圖



臍癰生在肚臍

衝疽臍上二寸生心火毒熾入腎紅高腫焮痛速潰吉若見七惡定然凶〔註〕此證生於任脈臍上二寸下腕穴一名中發疽又名壅腎瘡由心火熾盛流入腎經而成色赤高腫應在二十一日潰破膿稠受補者順初宜瘡科流氣飲或仙方活命飲消之膿將成時內外治法俱按癰疽腫瘍潰瘍門其證若平塌

〔黃連平胃散〕 黃連錢五 陳皮 厚朴各三錢 甘草二錢 蒼朮一兩 共研細末每服三錢白滾水調服

〔方歌〕黃連平胃散陳甘厚朴蒼朮共細研專除濕熱兼消積能令臍水立時乾

〔三妙散〕 檳榔 蒼朮生 黃蘗各等分生 共研細末乾撒肚臍出水津淫成片止癢滲濕又治濕癬以蘇合油

調搽甚效

〔方歌〕三妙散用檳榔蒼黃蘗同研滲濕瘡蘇合油調治濕癬收乾止癢效稱強

〔隔蒜灸法〕見首卷灸法 〔仙方活命飲〕 〔內疎黃連湯〕俱見腫痛門

少腹疽

少腹疽生臍下邊證由七情火鬱纏高腫紅疼牽背易漫硬陷腐水膿難〔註〕此證由七情火鬱而生每發於氣海丹田關元三穴氣海在臍下一寸五分丹田在臍下二寸關元在臍下三寸皆屬任脈經此三穴或一穴發腫即為

少腹疽圖



少腹疽

少腹疽高腫紅活疼痛牽背易潰稠膿者易治若漫腫堅硬綿潰腐爛膿稀如水者難治凡遇此證初起急用艾灸腫頂七壯至三七壯以痛癢通徹為度宜服仙方活命飲氣實之人大渴便秘者宜服內疎黃連湯通利之老弱之人宜服內補十宣散令其速潰若潰遲恐透內膜外治法同癰疽腫瘍潰瘍門

〔仙方活命飲〕 〔內疎黃連湯〕俱見腫痛門 〔內補十宣散〕見胸部潰瘍癰

腹皮癰

腹皮癰生腹皮內皮裏膜外腫隱疼腹痛不止膿成候證由膏梁鬱火生〔註〕此證生於腹皮裏膜外無論左右隱疼日久後發癰腫於皮外右關脈見沉數而腹痛甚者是其候也。由膏梁火鬱而成。初起壯實者用雙解貴金丸下之。虛弱者減半。用之不應。再服半劑。凡下之後腹痛不止。膿將成也。急用託裏透膿湯。潰後與癰疽潰瘍門治法相同。不可過用剋伐之劑。若希圖消散。過傷胃氣。則腫不能潰。潰不能斂。立見危亡矣。

腹皮癰



腹皮癰左右皆同

緩疽

〔雙解貴金丸〕見腫瘍門
〔託裏透膿湯〕見頭部侵腦疽

緩疽在少腹之旁

緩疽圖



緩疽脾經氣積凝。少腹旁生。堅又疼。數月不潰。生寒熱。食少。削瘦。效難成。〔註〕此證由太陰脾經氣滯寒積而成。生於少腹之旁。堅硬如石。不紅不熱。痛引腰腿。數月不潰。若兼食少。削瘦者。屬敗證。但不可棄而不治。初宜服山甲內消散。不應不可強消。徒損胃氣。十全大補湯加烏藥附子胡盧巴溫補之外用。

大香餅熨之兼用獨頭蒜搗爛鋪於患上艾壯灸之以知熱爲止次日再灸以或消或潰爲效若潰後即按癰疽潰瘍門治法

〔山甲內消散〕見中脫疽 〔十全大補湯〕見潰瘍門 〔木香餅〕見孔部乳中結核

腋部

腋癰

腋癰生在肱肢窩居中左右皆同

圖 癰 腋



老弱之人難痊

〔柴胡清肝湯〕見頭部癰疽 〔冲和膏〕 〔透膿散〕俱見腫瘍門

腋疽

腋疽初起若核形肝悲脾憂氣血凝漫腫堅硬宜蒜灸日久紅熱潰先疼〔註〕此證一名米疽又名疫疽發於肱肢窩正中初起之時其形如核由肝脾二經憂思悲怒氣結血滯而成漫腫堅硬皮色如常日久將潰色紅微熱疼痛

腋癰暴腫生腋間腫硬赤痛熱寒肝脾血熱兼忿怒初宜清解潰補痊〔註〕此證一名夾肢癰發於腋際即俗名肱肢窩也屬肝脾血熱兼忿怒而成初起暴腫赤硬色赤疼痛身發寒熱難消必欲作膿初宜服柴胡清肝湯外敷冲和膏疼痛日增宜服透膿散加金銀花甘草節桔梗膿脹痛者減之已潰內外治法俱按癰疽潰瘍門此證首尾忌用寒涼中年易愈

也初宜艾壯隔蒜片灸法內服柴胡清肝湯加烏藥消之虛弱之人宜服香貝養榮湯外用烏龍膏敷之早治或有全消者遲則膿成宜服託裏透膿湯膿脹痛者鍼之膿出痛減隨患者虛實補之其餘內外治法俱按癰疽潰瘍門此證初終內外治法禁用寒涼中年易愈衰老難痊

〔隔蒜灸法〕見首卷

〔柴胡清肝湯〕見頭部

〔香貝養榮湯〕見項部

〔烏龍膏〕見腫

〔託裏透膿湯〕見

部侵
癰疽

黯疔

黯疔圖



黯疔生在四肢筋脈硬色紫按之如釘頭

黯疔藏於腋下生肝脾火毒癢而疼寒熱拘急色紫黑急按疔門治即寧〔註〕此證生於腋下由肝脾二經火毒而成堅硬勢若釘頭癢而且痛寒熱往來四肢拘急其色紫黑煩躁作嘔痛引半身宜服麥靈丹其次內外急按疔門治之即愈

〔麥靈丹〕見腫瘍門

肋部

肋疽

腋疽圖



腋疽生在四肢筋居中堅硬潰遲左右皆同

肋疽始發屬肝經火毒鬱怒結腫形紫痛梅李甚如盤急宜鍼砭免內攻〔註〕此證一名夾發疽生於肋條骨間由肝經火毒鬱怒結聚而成初如梅李漸大如盤色紫焮痛連及肩肘患在左痛牽右肋患在右痛牽左肋二十一日

肋疽在肋條骨間堅硬色紫腫大如盤

肋 疽 圖



氣爲主蓋腫時作嘔因毒氣內侵者十有一二停飲內傷者十有八九惟醫人臨證詳辨之膿熟用臥鍼開之餘按癰疽潰瘍門治法

〔雙解貴金丸〕

〔透膿散〕俱見腫瘍門

〔香砂六君子湯〕見潰瘍門

淵 疽

淵疽肝膽憂悲成生於肋下硬腫疼潰破有聲內膜透未潰當服護膜靈〔註〕此證因憂悲太過以致肝膽兩傷而成生於肋下初起堅硬腫而不紅日久方潰得稠白膿者順如豆漿水者險瘡口有聲似乎兒啼此屬內膜透也卽於陽陵泉穴灸二七壯其聲卽止穴

淵 疽 圖



淵疽在腋下三寸堅硬不紅

在膝臏骨外膝下一寸陷中蹲坐取之即得內外治法皆同肋疽凡肋胸脅腰腹空軟之處發癰疽者當在將潰未潰之際多服護膜散可免透膜之患

〔護膜散〕 白蠟 白芨各等分 共研細末輕劑一錢中劑二錢大劑三錢黃酒調服米湯亦可

〔方歌〕護膜散內二味藥白蠟白芨為細末或酒或以米湯調將膜預服不透膜

內發丹毒

丹毒肝脾熱極生肋上腰胯赤霞形急宜發出血嘔噦昏脹毒內攻〔註〕此證由肝脾二經熱極生風所致生於肋骨延及腰胯色赤如霞遊步如雲痛如火燎急向赤腫週圍發出血以瘦牛肉片貼之羊肉片亦可其毒即可減半初服雙解貴金丸汗之次服化斑解毒湯投方應病者順若嘔噦昏潰胸腹脹脹偏身青紫者則為毒氣內攻屬逆

內發丹毒圖



內發丹毒生於肋骨延及腰胯色赤如霞遊走如雲

〔化斑解毒湯〕 升麻 石膏 連翹心法 牛蒡子
研 人中黃 黃連 知母 黑參各一錢 竹葉二十片水二鍾煎八分服

〔方歌〕化斑解毒熱生風致發丹毒雲片紅升膏翹葶中黃等黃連知母黑參同

〔雙解貴金丸〕 見腫瘍門

脇癰(附疽)

脇癰焮紅高腫疼疽堅塌漫冷不紅皆屬肝膽怒火結遲潰敗漿冷虛凶〔註〕此證生於軟肋有硬骨者為肋肋下軟肉處為季脇癰疽二證皆由肝膽怒火凝結而成多生於體虛之人初如梅李漸長如盤如色紅焮痛高腫二七

癰 脇

圖



脇癰在肋骨下軟肉處

〔柴胡清肝湯〕見頭部

〔託裏透膿湯〕見頭部

內癰部

肺癰

肺癰肺熱復傷風肺臟生癰隱痛胸狀若傷寒燥效甚稠濁痰涎腥臭膿未潰射干麻黃汗壅不得臥葶藶攻潰後膿稠能食吉膿清兼血不食凶〔註〕此證係肺藏蓄熱復傷風邪鬱久成癰以致胸內中府穴隱隱疼痛振寒脈數狀類傷寒咽燥不渴效而喘滿唾稠黏黃痰兼臭穢膿血也治之者於未潰時乘膿未成風鬱於表者法宜疎散用射干麻黃湯以汗之如氣壅喘滿身不得臥者急服葶藶大棗湯以瀉之如效有微熱煩滿胸中甲錯膿欲成者宜千金葶藶湯以吐之若吐膿腥臭形如米粥者宜桔梗湯以排除膿若吐膿腥臭效而胸滿者宜外臺桔梗白散以開癰塞若咯吐膿血兼午後身熱煩躁宜金鯉湯主之兼飲童便若潰後胸膈脇肋隱痛不止口燥咽乾煩悶多渴自汗盜汗眠臥不得效吐稠痰腥臭此係癰膿不盡而兼裏虛宜寧肺桔梗湯主之若癰膿已潰喘滿腥臭濁痰俱

潰破膿稠爲癰若堅硬平塌漫腫木痛不紅不熱月餘潰破稀膿爲疽若失治屆期不潰攻擊成膿腫如鼓脹破出敗漿腥臭膿者逆癰疽二證初腫時俱宜急服柴胡清肝湯解鬱瀉火如已成者服託裏透膿湯膿熱脹痛俱用臥鍼開之已潰以排餘膿補氣血爲要餘按癰疽潰瘍門治法投補不應者難治

退惟效嗽咽乾咯吐痰血脇肋微痛不能久臥者此屬肺癰潰處未斂宜紫菀茸湯清補之渴甚去半夏加石膏服之若癰膿潰後效嗽無休膿痰不盡形氣虛羸者宜清金寧肺丸主之凡治此證惟以身温脈細膿血交黏痰色鮮明飲食甘美膿血漸止便潤者為吉若手掌皮粗潰後六脈洪數氣急顛紅汚膿白血懶食及大便結燥者為凶中府穴又名肺募在乳上第三根肋骨間

〔射干麻黃湯〕 射十或十三枚 麻黃

生薑各四 細辛 紫菀 款冬花各三兩

大棗七枚 五味子 半夏各半 水煎溫服

〔方歌〕射干麻黃效上氣肺癰喉中水雞聲

射麻生薑辛菀夏五味大棗並款冬

〔葶藶大棗湯〕 〔苦葶藶〕 輕者五錢 重者一兩

〔大棗〕 輕者五枚重 以水三鍾煎至一鍾服之

〔方歌〕葶藶大棗治肺壅效不得臥有癰膿

葶藶苦寒瀉實熱佐棗之甘和胃經

〔千金葶藶湯〕 葶藶二升 薏苡仁炒

瓜瓣各半升即 桃仁五十粒去 水煎服

〔方歌〕千金葶藶肺癰效微熱煩滿吐敗濁皮膚甲錯宜葶藶薏苡桃仁瓜瓣合

〔桔梗湯〕 苦桔梗一兩 甘草二兩 水煎服

〔方歌〕桔梗湯用排餘膿肺癰吐膿米粥形清熱解毒須甘草開提肺氣桔梗功

五臟六腑



〔外臺桔梗白散〕 苦桔梗 貝母各三分 巴豆一分去皮 以上三味爲散強人飲服半錢七贏者減之病在

膈上者吐膿在膈下者瀉出若下多不止飲冷水一盃則定

〔方歌〕外臺桔梗白散方肺癰便秘服之良桔梗貝母與巴豆藥微力大功速強

〔金鯉湯〕 金色活鯉魚一尾約四兩重 貝母二錢 先將鯉魚連鱗剖去肚腸勿經水氣用貝母細末摻在魚肚內線

繫之用上白童子便半大盃將魚浸童便內重湯炖煮魚眼突出爲度少頃取出去鱗骨取淨肉浸入童便內炖

熱肉與童便作二三次一日食盡一枚其功效甚捷

〔方歌〕金鯉湯中效罕稀法同貝母活鯉魚童便浸魚重湯炖肺癰煩熱善能醫

〔寧肺桔梗湯〕 苦桔梗 貝母去心 當歸 栝蒌仁研 生黃耆 枳殼炒 甘草節 桑白皮炒 防己

百合去心 薏苡各八分 五味子 地骨皮 知母生 杏仁研 苦葶各五分 水二鍾薑三片煎八分不拘時

服 效甚倍加百合 身熱加柴胡黃芩 大便不利加蜜炙大黃一錢 小水澀滯加燈心木通 煩躁痰血

加白茅根 胸痛加人參白芷

〔方歌〕寧肺桔梗肺癰者歸蒌貝殼甘桑皮防己百合葶五味杏知苡仁地骨宜

〔紫菀茸湯〕 紫菀茸 犀角末 甘草炙 人參各五分 桑葉用經霜者 款冬花 百合去心 杏仁炒 阿膠潤便

樹用便 煨生用 貝母去心 半夏製 蒲黃各七分 引薑三片水二鍾煎八分將犀角末調入食後服

〔方歌〕紫菀茸湯參犀角款冬桑葉杏百合阿膠甘夏貝蒲黃專醫肺癰不久臥

〔清金寧肺丸〕 陳皮 白茯苓 苦桔梗 貝母去心 人參 黃芩各五錢 麥冬去心 地骨皮 銀柴胡 川

芎 白芍炒 胡黃連各六錢 五味子 天冬去心 生地酒浸 熟地酒浸 歸身 白朮各一錢 甘草三錢 以

上爲細末煉蜜爲丸如梧桐子大每服七十九食遠白滾湯送下

〔方歌〕清金寧肺丸肺癰陳苓桔貝參二冬柴苓歸芍黃連草尤味生熟地骨苣

大小腸癰

大小腸癰因濕熱氣滯瘀血注腸中初服大黃行瘀滯膿成薏苡牡丹平〔註〕此二證俱由濕熱氣滯凝結而成或努力瘀血或產後敗瘀蓄積流注於大腸小腸之中初起發熱惡風自汗身皮甲錯關元天樞二穴隱痛微腫按之腹內急痛大腸癰多大便墜腫小腸癰多小水澀滯脈俱遲緊此時癰膿未成宜大黃湯下之瘀血利盡若小水閉澀仍宜大黃湯加琥珀末木通利之自效若癰成日久不潰身皮甲錯內無積聚腹急腹痛身無熱而脈數者係腸內陰冷不能為膿宜薏苡附子散主之若脈見洪數肚臍高突腹痛脹滿不食動轉側身則有水聲便淋刺痛者癰膿已成宜薏苡湯主之腹濡而痛少腹急脹時時下膿者毒未解也宜丹皮湯治之如膿從臍出腹脹不除飲食減少面白神勞此屬氣血俱虛宜八珍湯加牡丹皮肉桂黃耆五味子斂而補之患者轉身動作宜徐緩而勿驚慎之如耽延日久因循失治以致毒攻內藏腹痛牽陰腸胃受傷或致陰器紫黑腐爛色敗無膿每流污水衾幃多臭煩躁不止身熱隘乾俱屬逆證關元穴又名小腸募在臍下三寸天樞穴又名大腸募在臍旁開二寸

諸募穴圖



〔大黃湯〕 大黃剉 牡丹皮 硝石研 芥子 桃仁炒先以湯浸去皮尖雙仁勿用 以上各等分共剉碎每用五錢水二

鍾煎至一鍾去渣空心溫服以利下膿血為度未利再服

〔方歌〕大黃湯善治腸腫少腹堅痛脹未成，牡丹皮與大黃炒芥子桃仁硝石靈。

〔薏苡附子散〕 附子二分 敗醬五分 薏苡仁一錢 以上為末，每服方寸匕，以水二合煎，頓服，小水當下，三

因云：薏苡附子同煎，敗醬用一兩一分，每四錢水，蓋半煎七分，去渣空心服。

〔方歌〕薏苡附子散，甲錯腸癰腹痛脈數，附子敗醬薏苡仁，為末水煎空心服。

〔薏苡湯〕 薏苡仁 栝萐仁各二錢 牡丹皮 桃仁泥各二錢 水二鍾，煎至一鍾，不拘時服。

〔方歌〕薏苡湯治腹水聲，腸癰便淋刺痛疼，牡丹皮共栝萐仁，還有桃仁薏苡仁。

〔丹皮湯〕 丹皮 栝萐仁各一錢 桃仁泥 朴硝各二錢 大黃五錢 水二鍾，煎一鍾，去渣入硝再煎數滾，不拘

時服。

〔方歌〕丹皮湯療腸癰證，腹滿而痛時下膿，硝黃丹萐桃仁共，水煎服之有奇功。

〔八珍湯〕 見瀆瘍門。

胃癰

胃癰中脘穴腫疼，不效不嗽吐血膿，飲食之毒七情火，候治腸癰大法同。〔註〕此證初起，中脘穴必隱痛微腫，裏熱

如癰，身皮甲錯，並無效嗽，咯吐膿血，由飲食之毒七情之火，熱聚胃口成癰，脈來沉數者，初服清胃射干湯下之，若

脈瀰滯者，瘀血也，宜服丹皮湯下之，脈洪數者，膿成也，赤豆薏苡仁湯排之，體倦氣喘作渴，小水頻數者，肺氣虛也，

補中益氣湯加麥冬五味子補之，其候證生死治法，與大小腸癰同，中脘穴又名胃募，在臍上四寸。

〔清胃射干湯〕 射干 升麻 犀角 麥冬心去 元參 大黃 黃芩各一錢 芒硝 梔子 竹葉各五錢 以

上水煎服。

〔方歌〕清胃射干湯射干升麻犀角麥冬全，參苓大黃芒硝等，竹葉山梔胃癰痊。

〔赤豆薏苡仁湯〕 赤小豆 薏苡仁 防己 甘草各等分 水二鍾煎八分食遠服。

〔方歌〕赤豆薏苡湯最神，甘己赤豆薏苡仁，胃癰膿成脈洪數，二鍾水煎服八分。

〔丹皮湯〕見大小腸癰 〔補中益氣湯〕見潰瘍門

脾癰

脾癰濕熱瘀血凝，章門穴腫兼隱疼，腹脹隘乾小水短，利下濕瘀補收功。〔註〕此證始發章門穴必隱疼微腫，由過食生冷兼濕熱或瘀血鬱滯脾經而成，令人腹脹，咽隘乾燥，小水短澀，初宜大黃湯，赤豆薏苡仁湯，二方合而用之，以攻滯鬱，二便通利，腹脹全消，宜六君子湯扶脾調理，順逆看法，與胃癰同。章門穴又名脾募，在臍旁開六寸，高上二寸。

〔大黃湯〕見大小腸癰 〔赤豆薏苡仁湯〕見胃癰 〔六君子湯〕即香砂六君子湯去藿香砂仁見潰瘍門

肝癰

肝癰憤鬱氣逆成，期門穴腫更兼疼，臥驚眩滿溺不利，清肝滋腎即成功。〔註〕此證始發期門穴必隱痛微腫，令人兩脇脹滿，脇痛，側臥則驚，便溺艱難，由憤鬱氣逆而成，初服復元通氣散，次服柴胡清肝湯，痛脹已止，宜服六味地黃丸，脾虛食少，則佐以八珍湯，滋腎補脾，治之最效，禁用溫補鍼灸，期門穴又名肝募，在乳旁一寸半，再直上一寸半。

〔復元通氣散〕見腫瘍門 〔柴胡清肝湯〕見頭部發疽 〔六味地黃丸〕見面部斑痘 〔八珍湯〕見潰瘍門

心癰

心癰巨鬲腫隱疼，酷飲嗜熱火毒成，面赤口渴身作痛，治法陽熱總宜清。〔註〕此證始發巨鬲穴必隱痛微腫，令人寒熱，身痛，頭面色赤，口渴，渴隨飲隨乾，由心火熾盛，更兼酷飲嗜熱而成，宜服涼血飲，酒毒為病者，宜服升麻葛根湯。